

**CHE TIL MASHG'ULOTLARIDA O'QISHNING LINGVOKULTUROLOGIK
XUSUSIYATLARIGA DOIR MULOHAZALAR****Sayfiddinov Zuhra Fahriddin qizi***Namangan davlat universiteti Xorijiy til adabiyot yo'nalishi 4-kurs talabasi*

Anotatsiya: *Ushbu maqolada chet til o'qitish metodikasi haqida, uning fan sifatida rivojlanish tarixi, chet til o'qitish metodikasida qo'llanilayotgan zamonaviy metod turlari va ulardan foydalanish xususida so'z boradi.*

Kalit so'zlar: *Nutq faoliyati, o'qish, tasnif, tavsif, matn, chet til, nemis tili, o'rghanish, lingvokulturologik.*

Ta'lim oluvchilar chet tillarni o'rghanish jarayonida albatta turli qiyinchiliklarga duch keladilar. Ularni asosan xorijliklar bilan muloqot qilishda yoki bo 'lmasa biron-bir xorijiy matnni o'qish jarayonida kuzatishimiz mumkin. Chet tilni ma'lum bir maqsadda o'rghanuvchilar tinglab tushunish va o'qish jarayonida, chet tilga oid bo'lgan ko'chma ma'nodagi so'z, ibora va frazeologizmlarga duch keladilar, ya'ni o'rganilayotgan tilning lingvokulturologik xususiyati namoyon bo'ladi. Bu esa o'z o'rnida matnda ifodalanayotgan fikrni tushunishda qiyinchiliklarni keltirib chiqaradi.

MUHOKAMA VA NATIJALAR

Aslida chet tilni o'qitishdan maqsad - talabalarda chet tilni amaliy o'zlashtirish, ularda kommunikativ madaniyatni shakllantirish va rivojlanirish bilan birga

KIRISH

O'rganilayotgan tilda o'qish va yozish ko'nikmalarini shakllantirish ekanligini unutmaslik lozim. Umumta'lismuassasalariga chet tilni o'rgatishda asosiy vazifalar quyidagilarda namoyon bo'ladi:

- chet tilni madaniyatlararo ta'limgositasi sifatida o'rgatish;
- dunyo va o'z milliy madaniyati yutuqlarini idrok etish asosida o'rgatish;
- ta'lim oluvchi (o'quvchi, talaba, kursant, tinglovchi)larni o'zga til madaniyatini bag'ri kenglik asosida, ya'ni milliy stereotiplarni tushunish va umuminsoniy qadriyatlarni idrok etish maqsadida egallash.

Hozirgi kunda nemiszabon mamlakatlarda o'qish nutq faoliyat turini o'rganishiga doir ko'pgina ilmiy adabiyotlar mavjudlini kuzatishimiz mumkin. Jumladan, o'qish kompetensiyasining tuzilishi va shakllanishi, matnlarni o'qish: matn tushunish - o'qish didaktikasi - o'qishning ijtimoiylashuvi, o'qishni o'rgatishda ko'nikma va kompetensiya, o'qish didaktikasi va tizimli o'rta ta'limga o'qishni shakllantirish asoslari, ona tili (Erstsprache), ikkinchi til (Zweitsprache) va chet til (Fremdsprache)da o'qish kompetensiyasi shakllantirish, o'qishni o'rghanish va o'rgatish, shu o'rinda mazkur muammo nemiszabon mamlakatlar, ya'ni Shveysariyada chet til o'qitish metodikasi vakillari tomonidan ham etarli darajada tadqiq etilgan, ya'ni o'qishga yo'naltirish va o'qishning pedagogik psixologiyasi, Avstriya maktabi

vakillari tomonidan o'qishning bugungi kundagi istiqboli masalalari atroficha tahlilga tortilgan. [1,7,8]

Xususan, O'zbekistonda chet til o'qitish metodikasida nutq faoliyat turlari maxsus ilmiy muammo sifatida o'rganilgan bo'lib, jumladan R.A.Zaripova, O'.H.Hoshimov, I.Ya.Yoqubov, S.Saydaliyev, Jjalolovlarning ishlarida nutq faoliyat turlarining tavsif va tasnifi, o'rgatish prinsiplari, lingvistik va psixologik masalalariga to'xtalib o'tilgan. XXI-asrga kelib, tilda faqatgina leksik, grammatik va fonetik hodisalarini o'rgatish bilan birga umuman ta'lism tizimida yosh avlod (o'quvchi, talaba)ga o'rganilayotgan chet tilda qayd etilgan madaniy merosni o'zlashtirish, ya'ni madaniyatni til orqali o'rganish masalasi ustivor vazifa sifatida qaralmoqda. Mustaqillik yillarida mazkur masalani o'rganish va uzlusiz ta'lism tizimiga tatbiq etish yo'lida qo'yilgan ilk qadam, ya'ni 2012 yil 10 dekabrda O'zbekiston Respublikasi bиринчи prezidentining qabul qilgan "Chet tillarni o'rganish tizimini yanada takomillashtirish chora-tadbirlari to'g'risida"gi qarori bilan hayotga tatbiq etish boshlandi. Bunday talab mamlakatimizni mustaqillik yillarida dunyo International scientific-practical conference on the topic of "Problems and perspectives of modern technology in teaching foreign languages "ham jamiyatning teng huquqli a'zosi sifatida jahonga yuz tutayotgan bir vaziyatda bozor iqtisodiyoti va axborot texnologiyalari taraqqiyoti sharoitida chet til o'rganishga ehtiyoj kuchaydi. Qaror ijrosini ta'minlash maqsadida ta'lism sohasida Umumiy o'rta ta'lism maktablari uchun I-IX sinflar uchun chet (ingliz, nemis, fransuz) til fanidan o'quv dasturi ishlab chiqildi. [2, 5]

Umuman olganda, chet tilni lingvomadaniy xususiyatlar orqali o'rganish masalasi pedagoglar oldida turgan mas'ulyatli vazifadir. Nutq faoliyati turlari haqida mulohaza qilar ekanmiz, o'qish reseptiv nutq faoliyat turi bo'lib, uning asosiy maqsadi - yozma matn ifodalangan ma'lumotlarni olish bo'lib, o'qish aslida - fikrni grafik shaklda ifodalash bo'lib, ilmiy adabiyotlarda shunday talqin etiladi, ya'ni "o'qish deganda harfiy belgilarda ifodalangan nutqiy axborotni idrok etish va uning mazmunini payqash jarayoni tushuniladi".

Ilmiy adabiyotlarni tahlili natijasida, o'qishning tushunish xarakteriga ko'ra ellikdan ortiq turi qayd etilgan. O'qishning asosiy turlariga „o'rganuv o'qish”, „ma'lumotli o'qish”, „ovoz chiqarib o'qish”, „ovoz chiqarmay o'qish”, „uyda o'qish” va „individual o'qish” kiradi. O'rganilayotgan tilga oid bo'lgan lingvokulturologik xususiyatlar asosan o'rganuv o'qish jarayonida kuzatiladi. Bu o'qish turidan maqsad - matn tarkibidagi turli lingvistik vositalar, shuningdek, makon va zamon bilan bog'liq tushunchalarni izlash, ularni kelib chiqishi va anglatgan ma'nolarini atroficha o'rganish va tahlil qilishdan iborat. Misol tariqasida nemis adibi Y.V.Gyotening "Faust" tragediyasida makon bilan bog'liq nomlarni tahlilida quyidagilarni kuzatish mumkin: "Valpurgiya kechasi" (afsonaga ko'ra, 30 apreldan 1 mayga o'tar kechasi Broken tog'ida jinlar bazmi bo'ladigan joy), yoki bo'lmasa "Alvastining oshxonasi" bilan bog'liq holat shunday tasvirlangan, ya'ni pastak o'choqda yonayotgan katta qozon, undan chiqayotgan bug'da sirli sharpalarni namoyon bo'lishi, urg'ochi maymun qozonning

ko'pigini olib, shopirib turishi, erkak maymun esa, o'choq boshida bolalari bilan isinib o'tirishi va shift hamda devorlarda osilgan asboblar fantastik ko'rinishga ega. [3, 4]

International scientific-practical conference on the topic of "Problems and perspectives of modern technology in teaching foreign languages"

Shuningdek, ta'lim oluvchilar chet tildagi matnni tahlil qilar ekanlar, undagi mavjud lingvomadaniy so'z va iboralarga duch keladilar. Mazkur obrazli asosga ega turli vositalar orqali talaba chet tilga oid lingvomadaniy xususiyatlarni o 'rganadi. Natijada mashg'ulotlar jarayonida talabalar sotsiokulturologik kompetentsiyaga ega bo'la boshlaydilar, o'rganilayotgan tilda qayd etilgan urf-odatlar, bayramlarni ma'nosini idrok qila boshlaydilar, ya'ni chet til orqali o'zga madaniyatga xos belgilarni o'zlashtiradilar, ya'ni turli obrazli asosga ega bo'lgan vositalarni, frazeologik birliklar, maqol va matallarni ona tili bilan qiyoslaydilar, misol uchun nemischa "Im Meer ertrinkt kein Fisch" maqoli o'zbek tilida shunday ekvivalentga ega "Karvon ko'p - risqi bo'lak". Maqollarni faqrli va o'xshash taraflarini tahlil qilish orqali xorijiy tilga xos bo'lgan lingvokulturologik jihatlarni o'rganiladi.

Xulosa o'rnida aytish mumkinki, chet tillar hozirgi kunda zamon talabi bo'yicha o'rganish talab etilmoqda. Ta'lim jarayonida, ya'ni chet til mashg'ulotlarida mazkur masalani yechishini lingvokulturologiya fani doirasida amalga oshirish, ya'ni o'zga madaniyatga xos jihatlarni til orqali o'rgatish va o'rganishni talab qilmoqda. [2, 5, 6]

FOYDALANILGAN ADABIYOTLAR:

1. Bräuer Ch. Könnerschaft und Kompetenz in der Leseausbildung. Theoretische und empirische Perspektiven. - Weinheim: Juventa, 2010. - 392 S.
2. Garbe Ch., Holle K., Jesch T. Texte lesen: Textverstehen - Lesedidaktik - Lesesozialisation. - Paderborn: Schöningh. 2009. - 252 S.
3. Hoshimov O'.H., Yoqubov I.Ya. Ingliz tili o'qitish metodikasi. - T.: Sharq, 2003. - 302 b.
4. Jalolov J. Chet til o'qitish metodikasi. - T.: O'qituvchi. 2012. - 430 b.
5. Karimov I.A. "Chet tillarni o'rganish tizimini yanada takomillashtirish chora-tadbirlari to'g'risida"gi PQ 1875-sonli qarori. Ma'rifat. - 2012, № 99 (8540).
6. Lesen. Heute. Perspektiven. Eduard Beutner. Ulrike Tanzer (Hrgs.). - Innsbruck: Studien Verlag. 2010. - 260 S.
7. Lesekompetenz in Erst-, Zweit- und Fremdsprache. Lutjeharms M., Schmidt C. (Hrsg.). - Tübingen: Günter Verlag. 2010. - 200 S.
8. Philipp M. Motiviert lesen und schreiben. Dimension, Bedeutung, Förderung. -Seelze: Friedrich Verlag. 2012.